

От диктанта до диктанта

(казымский диалект)

Распределительный диктант

Запишите слова в два столбика, напишите перевод слов: 1) с буквой *a* в корне; 2) с буквой *ǎ* в корне.

В...р, к...р, м..рэк, к...р, ...мп, с...м, ...нья, ...рыты, ...щи, с...р.

а	ǎ
вар – запор	мǎрэк – плечо
кар – кора	кǎр – связка
амп – собака	сǎм – сердце
арыты – петъ	ǎнья – красивый
аци – отец	сǎр – лопата

Распределительный диктант

Запишите слова в два столбика, напишите перевод слов: 1) с буквой *э* в корне; 2) с буквой *є* в корне.

В...р, м...вты, т...л, в...т, ...пэл, ...тты, ...ви, к...р, ...вэлты, к...в.

э	є
вэт – пять	вєр – дело
эви – девочка, дочка	тєл – полный
мэвты – язь	єпэл – запах
эвэлты – верить	єтты – выйти
кэв – камень	кєр – наст

Распределительный диктант

Запишите слова в два столбика, напишите перевод слов: 1) с буквой у в корне; 2) с буквой ў в корне.

Х...р, к...р, ...в, в...лы, ...вэс, ...вты, п...н, м...в, л...пты, п...н.

у	ў
хур – картина, фотография	кўр – нога
ув – течение	вўлы – олень
увэс – север	ўвты – кричать
пун – жилы	мўв – земля
лупты – сказать	пўн – шерсть

Распределительный диктант

Запишите слова в два столбика, напишите перевод слов: 1) с буквой о в корне; 2) с буквой ө в корне.

Х...т, к...р, ...са, ...мпи, ...хэл, п...тэм, м...рты, м...рэх, н...хэр, с...н.

о	ө
хот – дом	көр – печка
оса – свободный	өмпи – ковш
потэм – холодный	өхэл – нарты
морты – южный	мөрэх – морошка
нохэр – шишка	сөн – кузовок
лөмэтты – заблудиться	лөмэтты – надеть

Распределительный диктант

Запишите слова с редуцированной буквой ə в два столбика, в зависимости от произношения, звука [ä] или [y].

Воньцəп, лəпəт, сорəм, хумəлхə, йулəпты, сусəм, турəп, мəнлəв, өхəл, мўвəң, пəвəрт, пирəщ.

[у]	[ǎ]
воньщэп	лҗапэт
сорэм	хумэлха
йулэпты	өхэл
сусэм	мўвэң
турэп	павэрт
мǎнлэм	пирэщ

Зрительный диктант

Лўнэв кўтлэпэла йис.
 Питы ухпи пушхийэт,
 Йөм сэвэп эвийэт
 Хопэла щи леллэт.
 Карэң ухэп вөн сурэх,
 Карэң ухэп ар сорт
 Хопэва щи пунлэв,
 Көртэва щи төлэв.

В. Н. Соловар

Диктант с грамматическим заданием

Запишите предложения. В выделенных словах укажите количество звуков и букв, охарактеризуйте гласные и согласные звуки.

Лын кǎт тǎхи пелла щи лǎрисэңэн. Нǎң мойлэпсыйэн упэнэн китсайэн.
 Ищи па **тǎмхǎтэл** мин пөнлал вантты ǎн мǎнлэмэн. Ащем тǎлǎң хǎтэл
 вулылал **кǎншман** йǎңхэс – и вўлы па ǎнтө.

Творческий диктант

Составьте текст, используя данные слова и словосочетания, и запишите его. Укажите части речи.

Вэтмит калассэн вөнэлтыйэлты Көцта, ант хөхэтьлэл, ант кўлащэл, тэмхэтэл дежурный, хулуйэва амэтсэт.

Словарный диктант

Глагол

Хөтлэл, эвэтлэлэ, нөмөсэл, кавэртлэм, катэллэн, вантлэмэн, шөкатлэлэ, лярнэллэл, хөл, тьойнэллэлэ, йунтэл, ханшэл, ләп ләнклэлэ, таллэмэн, йәнхлэт, вантлэл.

Словарный диктант

Имя существительное. Правописание лично-притяжательных суффиксов.

Запишите слова, выделите лично-притяжательный суффикс

Лўнэн, хотем, амплэв, анэл, семнэлан, кәтылэн, аңкөмэн, хопнэлэв, хирлал, ханши йўхэн, хурнэл, нөпэклэн.

Распределительный диктант

Запишите слова в четыре столбика: 1) имена существительные; 2) имена прилагательные; 3) глагол; 4) наречия

Вер, верты, верлы, вера, сул, суллэтты, сулаң, йерт, йертэң, йертты, каврэм, кавэртты, каврэм, лавэрт, лавэртаматы, лавэрта, лаль, лальэсты, лальлы, вўс, вўсэң, вўсэтты, йам, йамащты, йама, йиңк, йиңки, йиңка йиты, лак, лакэң, лакщиты, лакка.

сущ	прил	глагол	наречие
-----	------	--------	---------

вер	верлы	верты	вера
сул	сулаң	суллјэтты	
йерт	йертәң	йертты	
каврәм	каврәм	кавәртты	
	лавәрт	лавәртаметы	лавәрта
лаль	лальлы	лальәсты	
вўс	вўсәң	вўсәтты	
	йәм	йәмащты	йәма
йиңк	йиңк	йиңка йиты	
лак	лакәң	лакщиты	лакка

Диктанты с грамматическим заданием

Запишите словосочетания. Выделите суффикс имен существительных, подпишите падеж существительного.

Йулән омәсләм, хота йухәтсәм, лўңән рўтыщәләм, хира пунә, сойәпа вошәтләлләв,

Местоимение

Диктант с грамматическим заданием

Запишите предложения. Подчеркните личные местоимения, укажите лицо, число.

- 1) Кашәң товийән тухләң войәт морты мўв эвәлт мўң хуцава йилјәт.
- 2) Мин ләхсәм пила хәлјәвәт нятши мәнләмән.
- 3) Лыв аләңайа воша мәнлјәт.
- 4) Нын мулхатәл контрольной рәпата хәншсәты?
- 5) Нын тәм сўсэн кәрта йәңхлјәтән?

Зрительный диктант

Киньшка – вөнәлтәл,

Киньшка – нумәс мәл.

Киньшка – сэмэн тайты лөхэс,
Нумэс, йухан иты щив сорэл па толмэл,
Киньшкайэн йоша аһ ки вўлэн.

В. Боков щирэн

Зрительный диктант

Мўв көща

Палтаплы хантэт

Вонт мўвэн вөллэт,

Палтап вой эвэлт

Аһ па лыв паллэт.

Вонта мантэлэн

Пушкан төп тайлэт,

Лайэм шөп тайлэт

Вўты мантэлэн.

Тўна лыв йаһлэт

Вотас вөлтыйэн,

Па лыв аһ паллэт

Ицки рўв эвэлт.

Йухи лыв йилэт

Хатэл луһтыйэн.

Ханты хө эвэлт

Мойпөрле пал.

Йохмөн па пөхрөн

Вўт мўвэв хуща

Вонтыман йаһхты

Диктант с грамматическим заданием

Запишите предложения. Подчеркните глаголы в прошедшем времени. Выделите суффикс.

Вөнт йухан нўм олэңэн

– Муйа па ма щатщасем Лўк Вэлты Хөйа алщэлы? – инщэсэс Микуль ащэл эвэлт.

– Уйэң вөс, – лупэс ащэл Вөнт йухан кимлэт пела вантман. Лўкэт па па войэт йама павтэс. Мет йама пўпи. Щи пата щи Лўк Вэлты хөйа алщэсы вэлпэслэты йохэн. Төп ньавремэта ан рэхэл щиты шума лупты. Щирэн лыв Лўк Вэлты Хөйа алщэты питсэл. Ма щиты нөмэслэм, лўв айа вөлмалэн олэң павтэм войэл вөс лўк. лўв енмэм пурайэлэн ньавремэт айтелэн вөнтэты питыйэлсэт. Төп йөхэл па ньол йоша вўты питлэт – вөнта щи мәнлэт, вой пәнт хўват.

Диктант с грамматическим заданием

Запишите предложения. Выпишите деепричастия, выделите суффикс.

– Муй пата Икийа, Пирэщ икийа алщэсы? Муй лўв пирэщ вөс?

– Ики – щиты төп пирэщ утэт хөн алщэсийэт. Щиты нумсэң, ар вер вөты хуйат алщэсы. Нәң щатщасэн вой-хўл йасэң вөс, мўв, вөнт йеңк-йўх йасэң. Щи пата мирэн мосман тайса. Немэл щирэн ант алщэсы. А немасыа немэл Раман-ики.

– А муй пата мира мосэс лўв?

– Катра йисэн вөнт мўвэн вера ишки вөс. Нўша верэн, муй амтэпсы пурайэн лўв кена-апрэна вөс. Хулта па вохла – шив мәнэл, хута па мосэл - щата ньотэл. Щи пата мира лўв мосэс. Лўв хошмэл ар хуйата тәрмэс.

Е. Айпин

Хантыйский язык: учебник для 5 кл. (казым. диалект)

Диктант с грамматическим заданием

Запишите предложения. Выделите парные слова, обозначьте суффикс и часть речи выделенных слов.

Лўк Вэлты Хө хөлэнтман омсэс. Ратэл лўвэла путэртэс муй олэңэн льемпийэс йухан, муй олэңэн путэрлэт нохэр йўхэң-веншэң пөхрэт шәнш тум пелэкэн. Рат путэртэс, муй олэңэн рат кимэла йухтэм вөн нохэр йўх нөмэсэс. Тал мара вуйэмтал йэлпийэн нохэр йўх па йеша хошэм рўв вўл. лепэс лөмэтсухлал сорэлтал, йошлал-кўрлал хошмалэл. Лўк Вэлты Хө мутшуммалэн, лўв йэлпэлэн, рат тум пелэкэн, валь йўх пакэнмал, торийэл. Лўвэла шеңк хошэм вөс, лўв палэс, лөлэн тўтэн ант ал питса.

Щирэн Лўк Вэлты Хө айэлта пойэксэлэ валь йўхэл. Щалта нумэс питэс олэң пўш, айна вөлмалэн, верэнтэм рат хәрэл.

Щирэн и там иты рат кимэлэн шай йаныщман омсэс. Роман ньаңэтши сый хөлэс. Щалта шивэлэс ай вөншийэ – щи эвэлт рат хонэна лыкэммал. Лепэслал тўтэн йаңэты питсайэт, нўвийэлал кўш хуты ханьэтыйэллэллэ, хутыса лылэна хайты.

Е. Айпин

Диктант с грамматическим заданием

Запишите предложения. Выделите парные слова, обозначьте суффикс и часть речи выделенных слов.

Лепэслал нух вўщемасыйэт, йўх вушэл хўват лавэрт нуви сем йиңк посмэс. И щата төрэма тўт семэт нух сўртсэт.

Вөс йӱх – антөма йис йӱх. Щирэн олӅн вэлпэслэм хятлӅлэн щимэщ нумэсэн йухэтса: «Муй па щи сыр-сыр вер мӱв өхтыйэн вөл. Щи кем ай мӅрэн вөншийэ тӱтэн лылӅл вӱсы. Төп хойэм пайийӅл хӅщэс. Лыл, вөлэпсы – нэмэлтыйа ан рӅхӅл муй? Вөнши ар. Төп ай вөншийэ антөм... Төп лӱв ин па щи хөллӅллӅ нӅӅнӅтши сый па сем йиӅкӅл.

Е. Айпин

Диктант с грамматическим заданием

Запишите предложения. Выделите парные слова, обозначьте суффикс и часть речи выделенных слов.

Ин рат кимӅлэн омӅсталэн Лӱк ВӅлты Хө тӱтӅл пелӅа хөлӅнтыӅл. Тӱт сый посэн лӱв уша верӅл, муйсӅр төрэм хӅлӅвӅт питӅл, па хӅтӅл. ЙӅллӅ пелӅа ар хошэм хӅтӅл питӅл. Щимэщ хӅтлӅтэн вэлпэсӅл уйӅн вөлльӅл.

Тӱт путӅртӅс, Лӱк ВӅлты Хө хөлӅнтӅс, Тӱт нӅалмӅт хөлӅм щира мӅнлӅт. ХөлӅм – щит йӅм арат. Па хөлӅм хӅтӅл нухлӅ пелӅа йухан хӅват мӅнты рӅхӅл.

ПирӅщ ики елӅл хошэмса. Тӱт рӱвэн мормӅн так йошӅл воцхисайӅн, мөшмалтӅм венш вӱрӅл, морӅмлӅл воцхисайӅт.

Тӱт рӱвэн вана хӅтӅм пирӅщ вөн нохӅр йӱх хошэмса, турнӅт, валь йӱхӅт па йухан, па хӅнтӅт – ащи па пух. Тӱт хошэм рӱв ар хуйата тӅрмӅс.

Лӱк ВӅлты Хө хӅсла вөлман тӱт пелӅа вантӅс. ПухӅл ищи хӅсла вөс. Лӱв ищи вөслӅ, муй олӅнӅн путӅртӅс рат. АщӅл вөлмалӅн щиты вөнӅлтӅс: «Ванта па нөмӅса. Па нөмӅса. ХӅннӅхө муй-муй верэн лӱв нумсӅлэн ат нөмӅсӅл. Мӱв-авӅт верӅт нумэсэн ат тайлӅллӅ, нумӅса ат пунлӅллӅ». АщӅл шар талты мӅр, пух шай анлӅл нып хира пунӅс па нөмӅсӅл, муй верты. ЛӅйӅм вӱс па нохӅр йӱх вӱша кӅт вонхӅп верты нумӅс верӅс. Щи постӅпсы кӅт хуйат олӅнӅн, лын тӅта рӱтщӅм верэн хуйатӅн щӅха уша верлӅа. Төх щос вэлпэслӅты йох йӱх вӱшӅн уйӅн вӅлпӅс олӅнӅн пос хӅийӅллӅт.

Е. Айпин

Диктант с грамматическим заданием

Выпишите глаголы настоящего времени, обозначьте суффиксы глаголов.

Пух ащэл пелла аңкэрмэс, па нохэр йӱх пелла па лаймэл йира пунсэллэ: алпа аң рӱхэл воңхэп верты. «Алпа там нохэр йӱх – ащэл катра лөхэс, а́л хөн рат нып хирэл хопэла нык төслэ, шай пулэхлал варс илпийа шошэмсэллэ па ай пӱтэл йиңкэн амэрсэллэ. Лӱв вөйман тайлэллэ, немэлт сыр йӱх аң рӱхэл леваса шөкатты тӱтэн муй хӱннэхөйэн. Рат мухэлайэл лӱв ши кӱш лэщэтсэллэ: тӱңк па лепсэт йира хирсэллэ, төп нөмэсэл, мосэң, йиңкэн па шошэмты.

Ши пурайэн ащэл тӱрөпкайэл уңэл эвэлт ким утэс па лупэл:

– Муйа па тӱт имэн шөкатты вутцэлэн?

Хутыса – муйа, хӱщ ищмэслэ ащэл. Щӱлта нөмэсэл пух, муйа па ащэл щиты ищмэс. Муй вер па... Имултыйэн ушэн ши йухэтса, ин хуты сӱс, ин хуты рӱвэң лӱң хөн, хошэм тови хөн. Ин йертэт вөсэт, вот аңтө. Йиңклал йухлы хөн төллэ, ащэл пелла аңкэртылэс па рат мухэлайа йиңкэл шошэмсэллэ, тӱта и йиңк сем па аңт питэс.

– Ратэн аңт лӱңхал, лӱвэт паратты щира, – лупэс ащэл.

Е. Айпин

Диктант с грамматическим заданием

Выпишите устойчивое выражение, связанное с медведем. Объясните значение данного выражения.

Йэтэн рат кималэн

– Мир луплэт, Лӱк Вэлты Хө щатщасем, мӱтты, вөлмал нөпэт мӱр ар пӱпи луңэлтылэс? – инщэсэс йэтэн Микуль ащэл.

– Ар муй шимэл. Муй арат рӱхэс, ши арат луңэлтылэс. Мерайэл вөслэ.

– Хуйэн па ши мерайэл арталэсы?

– Хутыса хуйэн? Мӱв-автэлэн арталэсы. Төрэмэн арталэсы. Па лӱв, мосэң, иши арталэсы. Ши пӱта ши вөна вөс, мерайэл вөймал пӱта.

– Вэлпэсэл па муй лүвэла амтэпсэң аң вөс?

Амтэпсэң вөс, төп ар амэт лүвэла мийльэс вөнт. Лүв лянхэс, лөлэн, ханнэхө вөнтэн иса вой пәнт ат вөйтылэс. Лөлэн сүсэн-товийэн морты мұва мәнты, муй морты мұв эвэлт йухэтты тухлэң войэт амэт ат төсэт. Лөлэн йухан-лор йиңкэтэн хүлэт иса аңт ал хуласэт. Мұв-автэв ар ханнэхө тайэл: Йүхэт-турнэт, Войэт-Хүлэт, Йуханэт-лорэт – хул лыв вөлты лянхэлэт, хулуйэва лывэла амтэпсы па уй мосэл... Ханнэхөйэт ищи уй па амтэпсы ат тайсэт.

Е. Айпин

Диктант с грамматическим заданием

Выпишите глаголы настоящего времени, обозначьте суффиксы глаголов.

Антөм вэцкат вэлпэс хө

Керас кимэлэн йиңк илпи эвэлт күрэн вой пәл кәлэс. Сухтайэн рұва кимэл пөрәнтәм.

Күрэн вой пәл нүмпийэн сырәнтайэт па пирмэт хумисэт.

Лүк Вэлты Хө лөпэл унтасэн күрэн вой нух талсэллэ. Пухэл ищи лүв лөпэлэн ньотэсэс. Йиңк илпи эвэлт айэлтыйэва нух ховийэс сыры ухэл, щәлта пүпийэн мәншәм пүңлал. Төп йәм пеләк пэщэл антөм, таңха щи вошсэлэ. Лүк Вэлты Хө вүты катлэс. Пухэл ащэл пелә вантыйэл. Ащэл шар тал, ванттыйэн, лык. Семнэл эвэлт төп ушән: ванта, тата щи ушән муй вер тывэс.

Пухэл щи кемән ушән щи йухэтса... Хатэл күтәпән, рүвәна йүвәм кемән күрэн вой пирмәтэн апрамса. Нык йиңка вохлэс па хөләнтыйэл, хуйат ванән сатьэль муй антө. Немәлт сый ант сатьэль. Щирән па малашәк вохлэс.

Йиңк нүмпийэн төп ухэл кәлэс. Йәм, йоләх, пирмәт ант пурлэт. Щиты лөхлантман щи лольэс. Пәлнэл щи күш йәма сащсәнән, төп лүв ант хөлсэллэ пүпи вана рәхәм вер. Пүпи ики щи мурт вана йис, шаңкап керас эвэлт ил күрэн вой өхтыйа есләмтэс. Па тәхийән ки, мосән, шәншәл эвэлт йира вушкәслэ, төп ин лүв күрлал лувийа ил шөйлэсэт па иса нух ант холәмлэллэ.

Пўпи щи мурт така нăптăс па йиңка шөйăтсăллă, кўрăн вой щăта па щи йаньщăсăс. Пўпи пухийă йеша вѳлман кераса нух вўратăс па нѳмăсăл, хути па ин верты кўрăн вой.

Щи кўш йѳр, тѳп йиңк эвăлт талты щирăл иса ѳнтѳ. Вўты холăмсăллă ки, лѳлѳн, щи кўш йăм.

Щиты йиңк хуца мăншăты щи питсăллă. Кўрăн вой йулта пѳщ вошсăллă, йеша вўтышăк талсăллă па хăйсăллă па хăтăл вѳнта.

Диктант с грамматическим заданием

Выпишите отрицательное местоимение, произведите морфологический разбор данного местоимения.

Лўк Вэлты Хѳ шар талтал кўтѳн вантыйăл хăншилал пѳлащăлта шăңкап лыка нѳѳмăс:

– Нăн, вурак! Щимăщ кўрăн вой лувийă павѳтсѳн.

Щи кемѳн па матта кем йѳршăк йасѳн нѳѳтăс.

Пухăл пăлнăла ѳнт эвлѳс. Вѳрапа ащăл пўпи пѳла щимăщ йаснѳтѳн льавѳтăл. Немхуйат хулна щимăщ йаснѳт пўпи пѳла ѳнт лупилѳс. Вѳвтама нѳмăсты па ѳнт рăхăл. Йасѳн лупты па – вѳн вер...

Пухăл хѳслыйѳва нѳѳмăс:

– Нăн мулха луплан: «Лўв иса хѳл...»

– Ат хѳл, ат хѳлѳнтăл! Ма лўвăла щи луплѳм. Щиты хѳн рăхăл. Сорѳм тăхийѳн ки – ай вер. Тăм па йиңк кўтѳн, лuvi кўтѳн – йѳлам па щи ѳнт тăйăл.

Лўк Вэлты Хѳ щи йаснѳт лупталѳн ал па нѳмăсăс: «Тăм йасѳнлам эвăлт пўпийă йѳлам питăл. Па щѳс мўй щиты ѳн верăл. Иса хуйат мосăл вѳнѳлтѳты, лѳлѳн, муй па вѳл мўв-авѳт ѳхтыйѳн – иса тѳса ат вѳсѳт».

Е. Айпин

Диктант с грамматическим заданием

Выпишите отрицательное местоимение, произведите морфологический разбор данного местоимения.

Алэң йеңк потэпсы

Хятэл мәнэм кемэн йухтэм ицкийэн лорэт па йуханэт така потсайэт.

Ай вўс лаймэлэн сэвэрман, Ансем амэтман ўвтэс:

– Йеңкэл йәм! Хөлэм лўй кем кўлатэл, и лампа. Ин лор хўват, кўш муйкэм, йаңха. Хәлэвэт тухлыты питлэв.

– Ура! – Ньавремэт амэтсэт, ропата пела мәремэман. Лыв шеңк ләңхасэт вантты, муй ширэн йеңк илпийэн тухлыты питлэт. Щимэщ вер лыв хулна ән вантыйәлсэт. Йэтэн левмэлэн, лыв пиркатир арсыра инщәссэл.

– Па, мосәң, Ансем аки, хўлэв лор эвэлт мятта лот пела хунтас? – Ищмәс Тьикөн.

– Утшам! – ньәххэтәс Карәп. – Мўв илпийа, муй, лўв луңәл?

– Тәлаң така пеңклан етәлтәллан! – хишәмтәс лўв пелала пирәщ ики. – Щимэщ верэт вөлльәльәт, щәлта па илта йәңхты йөшәт тәйльәләт.

– Па мўң лорэв муй – муй вөнт лор? – пәлман ищмәс Опөнь.

– Мўң лорэв әнтөм. Ал пәла, хўлэв арталэн тәта вөл. Муй Пор йухан эвэлт есәлсәв – шимәл катәллэв.

Алэң сәхәт, төп хөтлэмәм кемэн бригада Нохәр Йўх Мил лор хуща йухтәс. Ансем, ванкар йөшәлэн тәйман, потәм па йәша лоньщән питәм лор хўват мәнәс. Постәсл, хута вўс пөхәлты мосәс. Ньавремэт пурльәт йөша вўсәт. Щәлта кәл төты йўх йеңк илпийән төсәл, щи йўпийән тухәл талсәл.

– Ин па тухәл талты лот пөхлаты! – лупәс Ансем.

Ньәл хуйат и пуңла лольман, щимәщ вөн вўс лыв пөхәлсәт.

– Таләлән тухлан!

Р. Ругин

Диктант с грамматическим заданием

Выпишите названия рыб, переведите данные слова на русский язык. Разберите слова по составу.

Йаң хө тухэл кэла катэлман, тухэл нух талты питсэл. Йеша вөл сурхэт, пышьанэт етты питсэт. Щалта хөн матња йухтэс йиңк ищи мурт нух кавэрмэс. Ансем Өпөнь пила илта сухэм нух талсаллэн, па лыкмэм хўл аратталэн хира луңэс.

– Ци! – ньаххэтэс Ансем. – Иса мўн хўллэв! Ин төп йөхта щалта, ищи мурт хошэм йиңк иты пўт эвэлт!

Лўв сыры лөпөх алэмсэлэ па йеңк өхтыя кат вуйаң мухсэң вуцкэс.

Р. Ругин

Диктант с грамматическим заданием

Выпишите предложения с однородными членами. Произведите синтаксический разбор предложений.

Ньавремэт ищи лөпхэт вўсэт. Лыв кўтэлэн ант турастэты щира кат хуйатэн лольсэт хўл йохэтты. Лоньщ пайэт иты йеңк эвэлт йохтэм хўл акмэс. Ци пайэн мухсэңэт, щохэрэт па сурхэт вөсэт. Пеңкөң сортэт па лупсэх сорньэң щайпар хўлэт ищи лыкэмсэт. Йам арат вөн вўш пиркатир пўнла пунсэллэ.

– Лулэң хўл йэтэн лавсэмэлэв!

Йэтэн вөнта тухэл эвэлт лыв ньаллэм тонна нух йохэтсэт.

Р. Ругин

Диктант с грамматическим заданием

Выпишите предложение с обращением, произведите синтаксический разбор предложения.

– Ох! – еңэлмэс Карэп. – Ма шаншем йўх иты йис!

– Ма шаншем ищи, ищи мурт картыйэн катна вацца, – ньөхмэс лўв пелала Тьикөн.

Өпөнь ищи йошлал-кўрлал төйэмсэт. Төп лўв, пиркатир хуца вана рэхэлтыйэлты нумасэн, шитама вөс, немэлты ан путэртэс.

Вэлпэслэм хўлэт пелла йилпа аңкэрмэман, Ансем йиңки тухал өхлалелты партсэллэ.

– Ат мўн пилава тухлэв павэрт хот лыпийэн хошмалтыйэл, – лупэс лўв. – Па щирэн лўв карты кема йил.

Ньавремэт өхэла кирэссэт.

– Кэй, вўлуйэт! Йэллы! – ньаххэтэс пирэщ ики. – Вал ки, лөлэн, тайсэм, ин, лөлэн сора хөхэлсэты!

Төп сўв йўкана лўв йошэл хуца ай па кўл йўх пўл лыкмэс. Щитэлэн лўв йеңка потэм тухэл пөхэлмэс, щалта па йөш хўват ньухлэссэт.

Р. Ругин

Диктант с грамматическим заданием

Выпишите глаголы в объектном спряжении, выделите суффиксы.

Тухэлэн лелтэм өхэл павэрт хот вөнта аңтөм кен вөс талты: лыв ар пўш щив лольэлсэт. Лыв щив лольсэт па тухлэл тўна лэщэтсэт.

Мет йөхэт йухэтсэт лотэла.

Карэп көр алыты питэс, Тьикөн тухэл йухи алэмсэллэ па хошэм сўн хуца пунсэллэ. Өпөнх хотхэр йовэлсэллэ.

– Йама ин щи лавемэлэв! – турэпжал ньулэмэслэ Ансем. – Тўва, Өпөнх, вуйаңшэк вўнш!

– Па ма щиремэн лор хуца хўлэв йэша кэримал, – ньөхмэс Тьикөн. – Ванты, щата летэт шимэлшэк вөс. Йухан хөн?

Вўнш валщэмэт ньухэрман, Ансем ньөхмэс:

– Кэриты хуты көм аңт тайэс! Мўн лўвты мухты катэллэв. Вантэты, пўвлэл вуйэн телыйэва, ищимурт лоньщ хурасэп. Вуйаң вўнш шеңк йам! Сорашэк хўл вўйаты, леваты!

Потэм вўнш хўл ўнэлэн лулас. Хэршамэм ньавремэт ньэлэна лэсэт. Йам арат хўл пўл Ансем көр хуца омэсты пўта есэлсэллэ.

– Хошэм йиңк иши йаньщлэв! – лупэс лүв, лүйлал нбулыман. – Хәлэвэт мўнэв йөр ар мосәл.

Р. Ругин

Зрительный диктант

Хәнты йасәң
Хөн хөлләм ма хәнты йасәң,
Хөтләмтал нуви най.
Ма мирәм путәртты йасәң,
Хуйән па алщәлы айа?
лоньщ кеша сот нәм лүв тайәл,
Сот нәмән алщәлы вот,
Сот щирән ньөхәмла йиңкән...
Хулна мир нумәсэн вөллән,
Ма енмәм, путәртты йасәңем,
Пөрләман мәнлән нәң йәл,
Ар сырпи мир күтән вөлман,
сыйәң нәң, әнтөм па ләл.

Р. Ругин

Диктант с грамматическим заданием

Запишите текст. Найдите в слове непроезносимую согласную, сделайте фонетический разбор данного слова.

Моньщ – щит мир нумәс. Ньавремәт моньщ пәла шеңк сәмәңәт. Тәта ньәх па пәлтап, өмәщ путәр па мир вөләпсы, уй па шөк.

Щирән моньщ хөләнттәнән йәм нумәсэн йухәтләйән. Ньавремәт, аңкилән-ащилән эвәлт, щатщацилән эвәлт моньщ хөләнтаты па нумәса пуналән!

Е. Шмидт щирән

Диктант с грамматическим заданием

Запишите текст. Найдите в тексте глаголы прошедшего времени, выделите суффикс.

Хэлэв па хоңхра

Там вер хув йисэн вөс. Хэлэв па хоңхра лөхсэңа вөсүэн. лүүнэн лын йаха вөнтэтэн-йиңкэтэн пөрльөтсэңэн. Хэлэв хул вэлпэслэ, Хоңхра вэлпэсэт верэс па хопэт йух эвэлт верэс.

Ищка йиты пурайэн Хэлэв морты мұва маныйэл, Хоңхра увэс мұвэн хашийэл. Товийа йиты пурайэн Хэлэв па щи йухэтэл па йэллы лөхсэңа вөллэңэн.

И мэтта сүс хатлэт пурайэн, мантал йэлийэн, Хэлэв Хоңхра пелла лупэл:
– Холэплэмэн катрайа йисэт. Ма йухэттем вөнта аршэк сухэм пөңла.

– А, ака, – лупэл Хоңхра, – сухэм верлэм, холпөңа йилман.

Диктант с грамматическим заданием

Запишите предложения. Найдите в тексте имена собственные, подчеркните их и запишите перевод.

Манэс Хэлэв морты мұва. Сүс манэс. Тал манэс. Товийа йиты питэс. Төп Хоңхра ант термалэл сухэм пөнэлты. Па тылэщ эвэлт па тылща пуныйэллаллэ, па хатэл эвэлт па хатэла. Алэң эвэлт йэтэн вөнта, йэтэн эвэлт алэң вөнта. Щиты лоньцэт вөнтэтэн па хэрэтэн луласэт. Йуханэт па вөрэт пелка питсэт. Щи пурайэн Хоңхра термат и сухэм похэл пөңлэмтэс па войлэңкэт өңха лүкемэслэ.

Хэлэв йухтэс, вөйэтсэллэ лөхсэл, иньщэсэл:

– Хуты, ар сухэм пөнэлсэн?

– Ар, – лупэл Хоңхра. Па щи ванэлтэты питсэллэ сухэмлал. Лүкемэслэ Хоңхра ухэл өңха, сухэм похэл ванэлтэслэ. Йухлы лүкемэслэ па йилпа ким лавэттэслэ.

– Там кимэт..., хөлмит..., ньалмит....

Щиты лув йам арат пүш ванэлтэслэ ищи сухэм похлал па щи мэслэ Хэлэва.

Диктант с грамматическим заданием

Запишите текст. Найдите в тексте глаголы настоящего времени, выделите суффикс.

Мāнэс Хāлэв вэлпэслал лэшитты па хўл вэлпэслэты йуханэтэн, лорэтэн.

– Мийа па сухэм похэл, сухмем хулас.

Щи пурайэн Хоңхра леспэлтэм верэл олэңэн лупсэллэ.

Хāлэв лыкэл йухтэс, хатщэслэ Хоңхра ухэл эвэлт. Ухэл кāлыйэн етэс.

Щи вўш эвэлт Хоңхра ухэл хуша вўрты пāнтыйэ тāйэл. Щи вўш эвэлт Хāлэв лўв йўкан холэп āнт тāйэл. Вөрэтэн, йуханэтэн хāннехэйэт холпэт эвэлт хўл лолэмты питэс.

Зрительный диктант

Сорньи лопас

Тумэл пелла мўвэв сўңэн,

тāмэл пелла мўвэв сўңэн

Вөлмал хөнтты Йэлэм неңи,

Хөлсэм, вөлмал хāнты неңа.

лўв енмэлтэс, тāйэс хātэла

Пөн щол пāлат лпәт пух.

Төрөм верты кашәң хātэл

Вой-хўл иты киллэт нух.

Керәтлэт лыв йиңкәң пеләк,

керәтлэт лыв вөнтәң пеләк.

Эвәтлэт вөнт вой тўр,

Эвәтлэт лыв вөнт хор кўр.

Төп Ратпар-Хө – ай пухләнкэл,

Төп Хишпар-Хө – ай пухләнкэл

Кўрңәл рата лўкәман

Иса омсэс лумэмэман.
Нумсэл шимэл вөс муй пела,
Муй па аңки партэм щирэл:
Пулңи-лўньщи нбулы телэн
Верэт эвэлт вөс лўв йирэн
Нух хөтлэты кашәң хәтәл
Хишәт хирман омсэс ратән.
йайлал күтән хөйа лўв
әнт лўнтәщәс ши хө лўв.

М. Вагатова

Диктант с грамматическим заданием

Прочитайте стихотворение. Найдите глаголы в субъектном спряжении, выделите суффикс, определите число и лицо глагола.

Увәс вўлы

Ма йәлпемән вўлы,
лоньщ хурасәп нуви.
Ньөрәм мўв вөнт вой,
хөхәлты пәсты вой.
Щәлта валем вўләм,
өхлема лелләм.
Хўва-вана пәста мәнләм,
әл төп ўвәтләм,
әл төп ньөхәмләм.
лоньщ пөсәң күтән
әл төп вопсәмләм.
Хөсла вөла, вөтәв,
Ләп ал йовлә йөшәв!
Мўң лөхсәв – вўлы,
лоньщ хурас нуви.

Ньөрэм мўв вөнт вой,
хөхэлты пасты вой.

М. Шuльгин

Зрительный диктант

Ма мўвем

Вусты карэп вөншэт,
Ньорщи хайшэп панэт,
Нуви сэйэп репэт –
Иса мәнэм мослэт.

Лоньщэн питэм вөнши
Лайп кивартэм сўмэт,
Муй хурамэт вөйэтлэн
Тәмөщ йўхэт киньща!

Ньара питэм сўмөтлө,
Вөры хонэң наңк пай,
Лор вўт пелэк йохэм,
Ващ па увэң пусэл.

Йухан хонэң көртэт,
Сайхэм ухпат вошэт –
Щит ма мўвем тэхэт,
Сема питэм мўвем.

И. Ерныхов

Творческий диктант

Составьте текст, используя данные слова и словосочетания, и запишите его. Укажите части речи.

Ма вөллэм, сема питэм мўвем, ай вошийэ, йилэп хурамэң вош, ар мир, вөн па кәрэщ хотэт.

Распределительный диктант

Прочитайте стихотворение. Выпишите слова в два столбика: 1) причастие в прошедшем времени; 2) деепричастие.

Нух питэм хятэл
Ма йама нөмлэм,
Хөн мўң көртэва
Васы пәкэт пила,
Тухэл тыйән йухтэс
Сыйәң вэщкат йасәң:
– Лаль пәрэс!
Мәрәмәм мир,
Айәл па вөнәл,
Шөкащәм йох:
Ацилы, йайлы йох
Кена лалмәс:
– Лаль пәрэс!
Йама хөтлэс най!
Хотэта йухтэс уй.
Асэн йеңкэт рохлэт,
Хутңэт өмща ўвлэт,
Пәлңэт күтән
Өмща лоньщ хурпи
Нуви тухәллал йовәлман

Мира төлөт
– Лаль пәрэс!

М. Шультгин стихотворения эвэлт
стихотворения шөп

Диктант с грамматическим заданием

Запишите предложения. Найдите в тексте местоимения, определите разряд местоимений.

1. Лапэт хятэл па лапэт ат ши вош вента мәнты мосэл. 2. Хятэл шөшэл – ан рўтыщэл, тылэщ мәнэл – нух ан вулуйэл. 3. Хөн тәм вер вес, хуйэн велы. 4. Мата мўв сўнэн тами тывэс – хуйатэн хөн нөмла. 5. Хулта нән мәнлан, йошэн хулна ньорэх, кўрэн хулна взвлы. 6. Ши шўньэл-хөлэлэн интам вента ши веллэт. 7. Хўв йисэн тәмэщ вер вес.

Диктант с грамматическим заданием

Запишите словосочетания. В каждом из них отметьте главное слово.

Сўс вөнтэн, нохэр йўх нўв, путэр луңэтты, хөсла-сыйлы омэсты, паста хөхэлсэт, йама хөлэнты, төса хәншэс.

Диктант с грамматическим заданием

Запишите 6 словосочетаний. В каждом из них отметьте главное слово.

Ай көтьэв

Ай көтьэвлэ ломтэс па пасты вой өңха питэс. Щата пасты вой пушхэт весэт. Көтьэв хурэтты питэс, пасты вой пушхэт ант туңматсэл па шойэтлал йовэлты олңитсэл. Ай көтьэвлэ пасты вой пушэх йошэн ухэл эвэлт сэвэрмэслэ. Пасты вой пушэх па көтэвлэ хятщэслэ. Ай көтьэв лўв пелала аңкэрмэс па йэл навэрмэс. Пасты вой пушхэт ай апмле ньөхэлмэсэл, катэлсэл

па йунтман пурты питсэл. Вурһайэт вөнши тый эвэлт кәпэрти вер пелла вантсэт.

Хәтәл кәрща йис, хошма йиты питәс. Пәсты вой пушхәт өһхәла мәнсәт па ил улсәт. Көтьәвләнки йеша уртәтьльәс па хәтәл похнәм тәхийа ара таләсәс.

А. П. Чехов щирән

Распределительный диктант

Прочитайте стихотворение. Выпишите слова в два столбика,: 1) глаголы в субъектном спряжении; 2) глаголы в объектном спряжении.

Сўс

Хәтлјәт вана йиты питсәт,
Камән йерт па ищки вот,
лоньщ супәла йўвемийәл.
Пәлнјәт күтән Хәтәл Имән
Йеша кеша нух етмийәл,
Хошәм рўвәл шимла йис.
Вўрщәкләнкән сыйәл хөрләс,
Көрт хәрилјәв вөшәмәслә.
Йухи хәщәм лөнт пәкәтлјан
Хошәм мўвәл пелла мәнлјәт.
Морт мўв войән щурән сый
Тови вөнта хөрләс.

Е. Каксина

Распределительный диктант

Прочитайте стихотворение. Выпишите глаголы, обозначьте лицо и число глагола.

Тови пелә керләс,
Мўвем пелә йаңхләм,
Хошәм щив төләм.
Лорлан пелки питләт,
Хөйән хопа ләл,
Төрмән лўҗа ши йил,
Көрт хәрәмән пөрләтльәләм,
Пан хўват хөхәтльәләм.
Сўс пелә питәл,
Морты мўва мәнләм,
Йәм йасҗем хәщәптәләм.

В. Н. Соловар